





第三六四册

四庫全書

●上海古籍出版社

本冊目次

滇

考

明史紀事本末

清馮魁撰……………一

清谷應泰撰……………一一七

欽定四庫全書

史部
滇考卷上

欽定四庫全書

史部三

滇考

紀事本末類

提要

臣等謹案滇考二卷

國朝馮甦撰甦字再來臨海人順治戊戌進士官至刑部侍郎是書乃康熙元年甦為永昌府推官時作凡一切山川人物物產皆削不載惟自莊躋通滇至明末

欽定四庫全書

滇考

國初撮其沿革之舊迹治亂之大端仿紀事本末之體標題記述為三十七篇每事皆首尾完具端緒分明在輿記之中又為別體非採綴瑣聞條理不相統貫者比其中建文遜迹一篇雖不免沿致身錄之說至其征麓川三宣六慰鎮守太監議開金沙江諸篇皆視史傳為詳且著書之時距今僅百餘年所言形勢往往足以資考證愈於標題名勝徒供登

詳校官監察御史_臣劉芬

編修_臣裴謙覆勘

總校官知縣_臣楊懋珩

校對官中書_臣高_中

膳錄監生_臣王_華

臨吟詠者多矣乾隆四十五年九月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

漢書
提要

漢考序

學而不明於治亂之故無貴乎其學也仕而不察於治亂之由無貴乎其仕也顧學在端其本源而仕必鏡乎往事知往所以治即知今所以致治矣知往所以亂即知今所以彌亂矣漢固昔所稱易亂而難治者也我國家勞百萬師以取之特留藩旗設行臺大臣以理之內而三使司外而分四道十鎮一十八郡以交制之其不鄙棄遠人欲與同享太平之盛之意甚厚官此土者顧勿能考人情土俗所宜登斯民於衽席揆諸學古入官之義不有惡乎予小子承乏理金齒三稔矣幸得免覆餗平反之暇思進觀前代之事蹟而載籍缺然年來往還滇洱間殘編斷簡以次購集大抵垂苦於繁而寡要裨失於怪而不經因不揣固陋舉其事之最著者分題彙輯為三十有七篇名之曰漢考自戰國迄明其間治亂之數釐然備陳於是知漢非難治也子之以鄭純張翕賽典赤諸人欲無治不可得也非易亂也子之以

欽定四庫全書

漢考序

張虔陀劉深陳典諸人欲無亂不可得也非易亂而難治也子之以陳立楊竦章仁壽諸人欲無轉亂以為治不可得也傳曰學者效也又曰仕而優則學此子湊考一書之所為作乎若夫山川之融結人物之生聚仙真佛子之出沒則向者乘輿稗備之非子所能盡收也子所考者為仕而學者考也又曰在端其本源何也操之以廉潔行之以仁恕無往而不得治焉不必考亦可也嘗康熙四年歲次乙巳仲春中浣永昌軍民府推官天台馮黈書

欽定四庫全書

漢書序

二

欽定四庫全書

漢書序

魏都橋江湊

刑部侍郎馮黈撰

湊在三代不見於經傳按其地之可考者帝顓頊生於若水水經註云若水南經雲南郡之遂久縣即今之金沙江也禹道黑水至於三危入於南海梁州水入南海者惟瀾滄江也史張立道使來吐並黑水跨雲南以至其國今雲龍州有三崇山一名三危瀾滄經其麓其地有黑水祠焉逸周書獻令曰西南產里百濮以象齒短狗為獻產里即今車里西南有百國目為百濮武王東征髣人濮人與焉楚語曰叔熊逃難於濮今姚安楚雄間有濮落蠻定遠名髣州順寧稱古濮地是滇之通中國久矣然山川名號與世移易滇國之稱自楚莊踰始莊踰者楚莊王之苗裔也當頃襄王時為將從沅水伐夜郎至且蘭採船於岸而步戰既滅夜郎以且蘭有極

欽定四庫全書

漢書序

船牂牁處乃改其名為牂牁牁地多雨潦俗好巫鬼
禁忌寡畜生又無蠶桑故其民最貧蹠引兵至滇池
周迴三百里源深廣而末更淺狹有似倒流故謂之滇
其旁地平敞多出鸚鵡孔雀有鹽池田漁之饒金銀畜
產之富可數千里蹠以兵威略定滇地使部將小卜分
兵收滇西諸蠻欲歸報會秦擊奪楚巴黔中郡道塞不
通因還滇築苴蘭城居之以聲教誘服諸夷夷人皆悅
共推蹠為君長蹠變服從其俗以王之及秦并天下使

欽定四庫全書

滇考
卷上

常欽略通五尺道西南諸國頗置吏莊氏仍世王滇至
漢武帝時滇王常羌蹠之後也蹠墓在南廣縣晉時為
五苓蠻所發刺史王遜欲誅蠻以此為罪而討滅之然
則蹠之有功於滇而為人所尸祝非一日矣故予紀滇
事斷自蹠始云

漢通西南夷置郡縣

西南夷在蜀郡徼外夜郎國東接交趾西有滇國北有
邛都國各立君長其人皆椎結耕田有邑聚外有薨昆

明西極同師東北至檣榆地方數千里皆編髮隨畜遷
徙毋常處毋君長自嵩東北又有犛都冉駝白馬三國
亦有君長漢初皆棄不通已蜀民或竊出故徼商賈取
其犛馬犍僮髦牛以此巴蜀殷富武帝建元六年大行
王恢擊東越因兵威使番陽令唐蒙風指曉南越南越
食蒙蜀犛醬蒙問所從來曰道西北牂牁歸至長安
問蜀賈人賈人曰蜀出犛醬多持竊出市夜郎夜郎者

欽定四庫全書

滇考
卷上

郎西至同師然亦不能任使也蒙乃上書曰南越地東
西萬餘里名為外臣寔一州主也今以長沙豫章往水
道多絕難行竊聞夜郎所有精兵可得十餘萬浮船牂
牁江出其不意此制越一奇也誠以漢之疆巴蜀之饒
通夜郎道為置吏易甚帝許之乃拜蒙為中郎將將三
千人食重萬餘人從巴犛闖入遂見夜郎侯多同蒙厚
賜喻以威德約為置吏使其子為令夜郎旁小邑皆貪
漢繒帛以為道險終不能有乃且聽蒙約還報以為犍

為郡發巴蜀卒數萬人治道自樊道詣牂牁江卒多物故有逃亡者用軍興法誅之巴蜀民大驚恐帝因使司馬相如責蒙等因諭告巴蜀民以非上意及還而叩詐之君長聞南夷與漢通得賞賜多多欲求內附比南夷武帝問相如相如因亦言西夷叩詐近蜀可置郡帝乃拜相如為中郎將建節及副使王然子等乘傳因巴蜀吏幣物以賂西夷叩詐冉駹斯榆之君皆請為臣妾除邊關闔益斤西至沫若水南至牂牁為徼通靈關道橋

害帝悅令因蜀犍為發間使王然子栢始昌呂越人等十餘輩間出西南夷指求自毒國始至滇滇王常羌乃留為求道四歲餘皆閉舊昆明莫能達滇王與漢使者言曰漢孰與我大及夜郎侯亦然以道不通故各自為一州主不知漢廣大使者還因盛言滇大國足事親附武帝注意焉以昆明數阻漢使謀伐之聞其地有滇池於長安西南作池象之以習水戰因名昆明池云元鼎五年南越相呂嘉反漢使馳義侯因巴蜀罪人發南夷兵下牂牁江會樓船伏波二將軍擊南越且蘭君恐遠行旁國據其老弱乃與眾反殺使者及犍為太守明年南越平馳義侯所發巴蜀罪人八校尉俱未下牂牁即引還遣中郎將郭昌衛廣將擊且蘭誅之及其旁國叩君詐侯遂平南夷為牂牁郡夜郎侯懼遂入朝夜郎侯即前多同也范史稱初夜郎有女子浣於邛水有三節大竹流入足間聞其中有號聲剖竹得一男歸而養之及長有才武自立為夜郎侯以竹為姓既降漢武帝賜

以王印後竟殺之夷僚咸以竹王非血氣所生甚重之
求為立後牂牁太守吳霸以聞漢乃封其三子為侯死
配食其父南中志云今夜郎縣有竹王三郎祠是也漢
既定夜郎冉駹白馬皆震恐請臣置吏乃以邛都為越
雋郡犍都為沈黎郡冉駹為汶山郡白馬為武都郡使
王然于以破越及誅南夷兵威風諭滇王入朝滇王有
衆數萬人其旁東北有勞浸靡莫皆同姓相扶未肯聽
元封元年郎中司馬遷奉使西征巴蜀以南略邛犍昆
欽定四庫全書

滇考

天

之黔水惟盤江最大或言即古牂牁其江由滇阿迷羅
雄過廣南泗城田州三土司出粵自廣南以上皆崎嶇
不通舟楫乃欲於此浮船制越蒙之術味矣雋即越雋
郡今為建昌衛地麗江有通安州漢初置縣曰定犍屬
越雋郡至唐稱昆明意即所謂閉雋昆明者乎滇會城
首邑今亦名昆明則以漢象滇池鑿昆明池於長安故
名之非史所謂昆明也身毒國唐書以為即天竺國去
京師九千六百里居懸嶺南幅員三萬里分東西南北
中五天竺東南兩天竺俱瀕海東與扶南林邑接北距
雪山圍抱如壁釋元奘常至其地貞觀十五年遣使上
書太宗使梁懷璉持節往其王尸羅逸多驚問國人曰
自古亦有摩訶震旦使者至吾國乎皆曰無有然則其
言有蜀布邛竹杖亦謬矣地既不與滇雋接徒糜爛六
郡之民命以從事於無益為可惜也雖然漢武雖好大
喜功疲罷中國卒能使荒服邊夷千載而下長被聲教
其德及生民亦遠矣其所置六郡沈黎汶山後皆并於

滇考

七

蜀郡武都北屬涼部惟越雋之青蛉遂久今屬姚安定
柞今屬麗江為滇北境牂牁之宛溫平彝今屬曲靖
町今屬臨安為滇東境餘皆黔蜀之地而茲併詳之者
楚之定滇由牂牁漢之入滇由越雋非二郡道且中絕
故於其事必記焉若益州郡領縣二十有四則皆滇地
也其可考者滇池今首邑俞元今潯江連然今安寧味
縣今曲靖弄棟今姚安標榆今大理雲南即大理之雲
南縣武帝元封時以彩雲見南中因以為名蜀漢即其
地置雲南郡至元始移雲南行省於中慶路明因之稱
雲南府則古益州郡治非漢所謂雲南也不韋今永昌
漢武帝定南越徙呂嘉子孫居之以嘉為呂不韋後故
名不韋以彰其先人之惡至後漢哀牢夷內附更置永
昌郡割益州郡之六縣以屬之

金馬碧雞之神

漢宣帝五鳳三年有方士盛言益州金馬碧雞之神可
禱祀而致乃遣諫議大夫王褒持節往求之金馬碧雞

欽定四庫全書

滇書

卷一

欽定四庫全書

滇書

九

二山名在滇池左右顏師古云金形似馬碧形似雞元
人張道宗紀古滇說云周宣王時天竺摩耶提國阿育
王生三子長曰福邦次曰宏德次曰至德三子俱健勇
因父有神驥爭欲得之王莫能決乃命左右曰將我神
驥縱馳而去有能追獲者主之縱驥東奔季子先至滇
之東山得之因以金馬名其山長子次至西山有碧鳳
集山上滇人呼鳳為雞因名山為碧雞次子後至北野
各留屯不回阿育王憂思遣舅氏神明以兵迎之為哀
牢夷所阻遂居滇各主其山死而為神王褒既受命是
時蠻叛道不通乃就蜀巴郡醮祭移文頌之其詞曰持
節使王褒謹拜南崖敬移金精神馬縹碧之雞處南之
荒深谿回谷非王之鄉歸休歸休漢德無疆廣乎唐虞
澤配三皇黃龍見兮白虎仁歸休歸休可以為倫歸兮
翔兮何事南荒也褒還未至道病卒上惜之今成都亦
有金馬碧雞山相傳即褒醮祭處後漢地里志又載青
蛉縣屬同山有金馬碧雞光景時時出見人多見之其

地蓋在越雋郡未知孰是

昀町侯

昀町漢牂牁郡屬縣有侯未詳所始昭帝始元元年益州牂牁夷反大將軍霍光白帝遣水衡校尉呂破胡發蜀郡健為奔命萬餘人擊破之四年復反復遣破胡破胡頓兵不敢進蠻遂殺益州太守乘勝與破胡戰士敗死者四千餘人五年遣軍正王平與大鴻臚田廣明並進廣明風昀町侯母波共引大兵入滇斬捕五萬餘級

欽定四庫全書

滇志

十

上聞喜曰母波率其邑長人民擊反者有功其立母波為昀町王大鴻臚廣明賜爵關內侯食三萬戶至成帝河平二年夜郎王興與昀町王禹漏卧侯俞舉兵相攻牂牁太守請發兵議者以為道遠不可擊乃遣大中大夫張匡持節和解興等不從命刻木象漢吏射之杜欽說大將軍王鳳宜因其惡未成疑漢未加誅陰勅旁守尉練士馬大司農調穀積要害處選任職太守往以秋涼時入誅其王侯尤不軌者如已成形然後戰師則萬

姓被害風從欽說薦陳立為牂牁太守立前為連然長

不韋令蠻畏之及至牂牁諭告夜郎王興猶不從乃遣吏數人出行縣至興國且同亭召興興將數千人往至亭從諸邑君入見立數責興斷其頭出曉士眾皆釋兵降於是昀町王禹漏卧侯俞皆震恐入粟千斛牛羊勞吏士立還郡興妻父翁指與子邪務收餘眾迫脇旁二十二邑復反阨險為壘立使奇兵絕其饗道縱反間以誘其眾都尉萬年獨進敗走立營立叱戲下令格之都

欽定四庫全書

滇志

十一

尉還復戰立引兵救之時天大旱立攻絕其水道蠻夷共斬翁指首出降威震南裔徵詣京師賜爵左庶長後由巴郡徙天水太守入為左曹衛將軍護軍都尉至哀帝時王莽竊柄諷益州太守令塞外蠻自稱越裳氏重譯獻白雉一黑雉二於是羣臣盛陳莽功德比周公明年黃支國獻犀牛越雋郡亦上奏黃龍遊江中皆歸德於莽卒移漢祚建國四年更制諸侯王皆稱公四夸僭王號者更為侯貶昀町王邯為侯邯怨恨牂牁大尹周

欽詐殺邯鄲弟承又攻殺欽州郡擊之不能勝三邊怨
援盡反其後昫町侯不復見於史傳

益州諸新郡吏績

西漢吏治宣帝時為盛而益州諸新郡設在徼外循良
之績不多察見至元帝時王陽王尊前後刺益州行部
至邛郫九折阪註稱邛郫在蜀嚴道縣亦未至滇也滇
為禹貢梁州裔境周合梁于雍漢武帝開地斥境兼夏
周之制改雍曰涼改梁曰益新置十三部刺史益州刺

欽定四庫全書

漢書

十三

史轄郡九曰巴曰蜀曰漢中廣漢犍為武都越雋牂牁
而益州郡與焉是時刺史所轄北自漢中南兼今蜀滇
黔三省益州郡太守所治則止滇境也益州郡置于元
封二年而職官志元封五年初置部刺史是郡先立而
州名因之成帝綏和元年更名州刺史為牧哀帝建平
二年復為刺史元壽二年復為牧王莽因之改益州為
庸部益州郡為就新越雋為集雋牂牁為同亭郡太守
為大尹自昫町叛後就新郡蠻獠蠶若豆等起兵攻殺

大尹程隆集雋姑復蠻大牟亦叛莽遣平蠻將軍馮茂
發巴蜀犍為吏士以擊之出入三年疾疫死者十七賦
歛取足於民巴蜀騷動莽徵茂還誅之更遣寧始將軍
廉丹與庸部牧史熊大發天水隴西騎士廣漢巴蜀犍
為吏民十萬人轉輸合二十萬人擊之始至頗斬首數
千其後軍糧不給士卒饑疫連年不能克而還以廣漢
文齊為就新大尹齊以文德化導修障塞起陂池墾田
二千餘頃降集蠻夷甚得其和此南中循良之首也同

欽定四庫全書

漢書

十三

時集雋大尹枚根用邛人任貴為軍侯更始二年諸郡
多殺牧守起兵貴亦率種人攻殺根自立為邛穀王降
於公孫述述欲并招文齊齊守險不與述遂拘其妻子
許以封侯齊終不屈聞光武即位乃間道遣使自聞牂
牁大姓龍傳尹董氏與郡功曹謝暹亦保境土為漢自
番禺江出奉貢光武嘉之並加褒賞蜀平徵文齊為鎮
遠將軍封成義侯道病卒詔為起祠堂郡人立廟祠之
建武十四年任貴亦遣使由越雋上三年計即以貴為

越雋太守授印綬十八年益州夷帥棟蠶與始復牁榆弄棟連然建伶昆明諸種皆叛殺長吏益州太守繁勝戰敗退保朱提十九年遣武威將軍劉尚等發廣漢犍為蜀郡兵及朱提夷合一萬三千人擊之路由越雋太守任貴疑尚既定亂威法必行已不得自放縱即聚兵起營臺招呼諸君長多釀毒蘆酒欲先以勞軍因襲擊尚尚覺分兵掩貴誅之徙其家屬於成都遂渡瀘水入益州界羣蠻聞兵至皆棄壘奔走尚獲其羸弱殺畜二

帝元和中蜀郡王追為益州太守政化尤異有神馬四匹出滇池中甘露降白鳥見始興起學校漸遷其俗巴郡張翕為越雋太守政化清平在郡十七年卒夷人愛慕如喪父母蘇祈叟二百餘人齋牛羊送喪至翕本縣安漢起墳祭祀詔書嘉美為立祠堂安帝元初三年徵外夷犬羊等八種慕義內屬時太平既久使傳往來賊欲繁數蠻衆不堪四年冬卷夷犬牛種封離等反寇遂久殺縣令明年益州永昌及蜀郡旄牛等夷皆叛應者遂十餘萬帝遣中郎將尹就發蜀漢兵討之就不戢士卒所過虐害益州人諺曰寇來尚可尹來殺我與蠻戰敗封離等乘勝破二十餘縣殺長吏燔燒邑郭剽掠百姓骸骨委積千里無人帝徵就還令以兵付益州刺史張喬選將吏堪能從事者喬知楊疎膽略乃遣疎將兵至牁榆賊黨甚盛疎兵少先以詔書告示三郡徵求武士重其購賞乃進軍與封離等戰大破之斬首三萬級獲生口千五百人資財四千餘萬悉以賞軍士有功者

封離等惶恐斬其同謀渠帥詣竦乞降竦厚加慰納旬日之間三十六部悉來降附竦因奏長吏姦猾侵擾者九十餘人皆減死州中論功未及上會竦病創卒張喬深痛惜之乃刻石勒銘圖畫其像祀之天子念張翁有遺愛以其子湍代為越雋太守蠻人歡喜迎於道路曰郎君儀貌類我府君後湍頗失衆心有欲叛者諸叢叟相曉語曰當為先府君故遂以得安順桓間廣漢馮顥守越雋政化亦多異績靈帝熹平五年諸蠻叛執益州太守雍防遣御史中丞朱龜討之不能克朝議以為郡在邊外勞師遠役不如棄之太尉掾巴郡李顥建策討伐乃拜顥為太守與刺史龐芝發板楯蠻擊破平之還得雍防顥卒復叛廣漢景毅為太守討定之毅初至益郡米斛萬錢迨其後漸減至數十云右益州越雋牂牁三郡雖置自前漢而吏治之美在後漢為多自文齊以下皆能保境安民轉亂為治是知防邊有良牧勝於虎臣遠矣若乃枚根程隆繫勝雍防雖所遭之不偶亦

必其自有以取之耳善夫楊竦之定南中也舉劾貪吏九十餘人若竦者豈獨禦侮之材誠深明於制治之本矣國家得若文齊張翁王追輩分守諸郡以竦為益州刺史省察其上西南雖百年無亂不難也

哀牢國內附

後漢楊終子山受詔為哀牢夷傳范蔚宗採之入後漢書其說近怪今滇中所傳南詔野史及通紀古滇說諸書益加誕妄間自相背謬焉按野史載白古記云三皇

之後西天摩竭國阿育王第三子鰥苴低娶欠蒙虧為妻生低蒙苴苴生九子名九隆氏長子阿輔漢十六國之祖次子蒙苴魚吐番之祖三子蒙苴諾漢人之祖四子蒙苴酌東蠻之祖五子蒙苴篤生十二子五賢七聖蒙氏之祖六子蒙苴託居師子國七子蒙苴林交趾之祖八子蒙苴頌白崖張樂進求之祖九子蒙苴闍白夷之祖此九隆氏之名號族屬也通紀及古滇說不載阿育王事惟曰其先有蒙迦獨妻摩黎羌名沙壹居哀牢

山捕漁為生後死哀牢山水中不獲其屍沙壹往哭見一木浮觸而來旁邊漂沈婦坐木上平穩不動遂常沈絮其上若有感因懷妊生九子復產一子一日行往池邊見沈木化為龍忽語曰若為我生子今何在九子見龍驚走獨小子不去背龍而坐龍因舐之喚其名曰習農樂母見之乃鳥語謂背為九謂坐為隆因名曰九隆習農樂後有神異諸兄見其為父所舐而與名又有神異遂推以為王主哀牢山下又有奴波息者夫妻生十

與張樂進求相讓是古滇說一書誕妄不足為信也又稱阿育王三子并舅神明將歸為哀牢夷所阻因居滇與莊蹻兵及諸彝雜處其後有仁果時居白崖號白子國滇略稱阿育王奉佛教惡殺茹葷腥日食白飯人稱為白飯王次子封于蒼洱之間傳世至仁果時以慈信治國國人戴之漢元狩間天子惡滇王常羌有漢孰與我大之語以為不遜使張騫以玉印冊仁果時為滇王子孫世守家法不尚染采不殺生因號白國傳至十五世孫龍佑那蜀漢諸葛亮封之故地賜姓張氏即張樂進求之祖也司馬遷班固范蔚宗傳西南夷至詳不聞有白國張騫本傳亦不載至滇則是仁果時為滇王亦傳會也野史滇載記皆載仁果時事且指為九隆八族四世孫夫白國哀牢國既同出九隆是族兄弟也古滇說阿育王子欲歸為哀牢所阻是又仇敵也諸書自相矛盾往往如此總之南詔僭竊已久後務為神異之說美其祖宗沙壹事彷彿吞舄舄履大人迹阿育王事

彷彿五帝皆祖軒轅夫三代以上儒者闕疑況此蠻荒
遠事傳聞異詞存之可也欲從而定其是非何翅說夢
哉予至永昌為哀牢故地詳攷其始末要以正史為據
焉九隆既死世世相嗣乃分置小王散在谿谷絕俗荒
外山川阻深生人以來未嘗交通中國名號不可得而
數至於禁高乃可記知禁高死子汲嗣汲死子建非嗣
建非死子哀牢嗣哀牢死子桑藕嗣桑藕死子柳承嗣
柳承子柳貌柳貌子扈賢栗建武二十三年賢栗遣兵
乘單船南下江漢擊附塞彝鹿多鹿多人弱為所擒獲
於是疾雷風雨水為逆流翻涌二百餘里單船沉沒哀
牢之衆溺死者數千人賢栗憤甚復益兵遣其兄弟六
王將萬人以攻鹿多鹿多王悉力與戰殺其六王哀牢
耆老共埋六王虎復出食之賢栗惶恐謂耆老曰我曹
入邊塞自古有之今攻鹿多輒被天誅中國具有聖帝
乎遂率種人戶二千七百七十口萬七千六百五十九
于建武二十七年詣越雋太守鄭鴻求內屬帝乃封賢

栗等為君長自此歲來朝貢永平十二年哀牢王柳貌
遣子率種人六萬口內屬其稱邑王者七十七人顯宗
以其地置哀牢博南二縣割益州郡西部不韋雋唐比
蘇牁榆邪龍雲南等六縣合為永昌郡治不韋去洛陽
七千里道通博南行者苦之歌曰漢德廣開不賓度博
南越蘭津渡瀾滄為他人哀牢人皆穿鼻僮耳其渠帥
自謂王者耳皆下肩三寸庶人則至肩而已先是西部
都尉鄭純為政清潔化行蠻貊君長感慕皆獻土珍頌
德美天子嘉之以為永昌太守純益勵清操毫毛不犯
與諸彝人約歲輸布貫頭衣一領鹽一斛以為常賦蠻
俗安之純自為都尉及太守凡十年卒官常璆南中志
稱其蠻漢歌詠表薦無數上自三司下及鄉士無不歎
賞焉建初元年哀牢王類牢與守令忿爭遂反太守王
尋奔牁榆哀牢三千餘人攻博南燔廬舍章帝募發越
雋益州永昌彝漢九千人討之明年春邪龍縣昆明彝
酋承等應募率種人與諸郡兵擊類牢於博南大破斬